

洛陽都會變遷考

6 Dec 1905
64

90.8
SL

171



洛陽都會變遷考

蘇 莘

論洛陽都會當先辨東洛西洛即肇始於成周王城之分也。周都鎬京武王定鼎於郊廓。按鄭玄曰郊山名廓邑名圖經云郊山即邛山周公因之以營洛邑。營澗水東瀍水西以朝諸侯謂之王城。又謂之東都亦曰河南城。隋唐以後所謂洛陽屬此即西洛。復營瀍水東以處殷頑民謂之成周。又謂之下都。漢迄北魏所謂洛陽屬此即東洛。古籍所志王城周廣之度不一其說。逸周書作雒解云城方十六百二十丈郭方七十里南繫於洛水北因乎郊山以為天下大湊。此據讀史方輿紀要所引汲

冢周書某刻本作城方千三百三十丈郭方七百里梁劉昭續漢志郡國志注引博物

記曰王城方七百二十丈郭方一十里南望雒水北至郊山據

此周四里姑並存。自平王東遷傳世十二以至悼王都此稱

東周敬王避子朝之亂東居於狄泉乃徙都成周。春秋昭三

年晉定公使魏舒率諸侯之大夫會於狄泉城之以居敬王由是東周之名移於下都敬

王傳十世至慎靚王均都之王城置公以守府稱西周公報

王復遷於王城旋亡。

王城方位以今地考之當在洛陽縣城偏西。志云約距五

里顧炎武作圖以古王城在金谷園之地近是。見天下郡國利病書卷

五子金谷園今村名洛誥明言在澗東瀍西。澗水自西來過穀

水鎮而南折流約九里入於洛。澗西阻於秦山之麓。俗稱秦頭魏

尾即熊耳山脉東尾也距度自古不能西徙。跨澗有石橋。地名七里河舊橋地

蓬萊吳巡閱使氏國距縣城西十里。王城址當不逾此。澗水自古

兼穀水之名。穀水志稱源澠池縣南山穀陽谷東北流經新安縣南又東入於澗今堙或云即孝水洛澗俱來自

高地易暴漲故周靈王時穀洛門毀王宮也。

成周西距王城四十里。據晉元康地道紀帝王世紀云周下都城東西

六里十一步南北九里一百步俗稱九六城。梁劉昭續漢志亦引此說秦

封呂不韋為洛陽十萬戶侯。皇覽曰洛陽縣北芒道西有呂不韋冢今堙無可考因周城

二

拓大之復建宮闕引洛水貫城中。河陽北宮河陰南宮中為

複道三相去七里。漢初以為離宮高帝五年置酒南宮

七年從複道見諸將沙中偶語皆此。洎元帝時戎患危

及咸陽翼奉上書請徙都成周未果行。

光武中興定都東洛規模遠軼於前代。咸五運之說易洛

為雒然班固東都賦張衡東京賦敷陳縟辭皆無裨

於史地之考究。考東漢魏晉以迄北魏都城定制畧同。晉

元康地道紀云城內南北九里七十步東西六里十步。陸機洛

陽紀云洛陽城周公所制東西十里南北十三里。里數雖互

異其為縱長形式則同。漢城凡十二門，南面四門，正南曰平門，亦曰平城門，魏晉以後改平昌門，其東曰開陽門，魏晉以後因之，其西曰小苑門，魏晉改宣陽門，北魏塞之，又西曰津門，洛水自此入城，魏晉改津陽門，北魏稱宣陽門，東面三門，正東曰東中門，魏晉以後改東陽門，其南曰望京門，魏晉改清明門，北魏改青陽門，其北曰上東門，魏晉以後改建春門，西面三門，正西曰雍門，魏晉改西明門，北魏改西陽門，其南曰廣陽門，魏晉因之，北魏改西明門，其北曰上西門，魏晉以後改閭闔門，又北北魏增闢承明門，北面二門，東曰穀

三

門，穀水經此，魏晉以後改廣莫門，西曰夏門，魏晉因之，北魏稱大夏門。

洛陽迤東偃師迤西之間，洛水橫帶，極目平塋，二千餘年聲華文物之古都會，片石殘甃，渺不可得，蓋銅駝荆棘已幾經滄桑矣。搜求其約畧可辨者，得有數端，錄之以供參考。一晉元康地道紀曰：城東北有周威烈王冢，北魏鄴

道元水經注亦云：周威烈王冢在城東北隅，清龔崧林考得之於洛陽縣城東三十七里之金村北。

龔乾隆九年知洛陽縣，於古陵墓多所發見，立有碑石，金

村當洛陽偃師兩縣接界地，汴洛鐵路義井鋪站北五里餘。可徵古城東北隅至此。二漢明帝所建雍

門西之白馬寺。洛陽伽藍記云：白馬寺在西陽門外三里。經
歷代葺修尚存。故蹟寺距洛陽縣城東二十五里。汴洛鐵路經此（三）

漢靈帝熹平五年，講武於上西門外平樂觀。袁紹誅宦
官董卓屯兵平樂觀以應之。今白馬寺北四里餘有平樂
堡。雖位距微差，其沿襲古名則無疑。（四）魏明帝於故洛
陽城西北隅築金墉城。其後曹芳、曹璜、暨晉楊后、惠帝
每有幽廢，皆居此。唐初於城置洛陽縣治。貞觀時始廢。
志稱狄仁傑墓在金墉城。今狄墓歸然尚存於白馬寺東
側。（五）狄泉亦作翟泉。帝王世紀云：狄泉本殷之墓地，在成周

四

東北。今城中有殷王冢是。伽藍記云：東陽門內昭儀寺
有池，世謂之翟泉。按杜預注春秋：翟泉在晉太倉西南。此
池係石崇家池。翟泉在建春門內太倉南，周回三里，水澄清
澈底。魏名為蒼龍海。今邙山之麓尚有翟泉。鎮翟店翟
村諸地，惟泉久埋，地望亦不甚合。（六）洛陽縣城東三十里，白馬
寺東里許，有長堤二，如頽垣，南抵洛濱，北至邙麓，東西相
去約三里，或目之為洛都遺蹟，竊以為非也。微論漢城就以
北魏迄今計之，已千七百餘年，詎有孰石盡無但存土垣之
理。橫距過狹，亦不類土人呼為李密城。相傳李密築龍虎

臺以閱兵。後訛轉為龍虎灘。而成村落。隄其故壘之蹟也。說差可信。此伽藍記云。青陽門外二里御道北有平等寺。今龍

虎迤東北有平等寺。

上逋長隄東側

以地望考之。古寺當更偏東。斯

係後人遷徙耳。以龍虎灘北有丘巍然。俗稱為漢質帝陵。龔崧林亦從其說。按地望正當東都城內。宮殿衢市所在。寧有寢園置此之理。疑傳訛也。

當董卓之亂。劫獻帝西遷。東都宮闕付之一炬。迨建安初。帝東歸。曹操復挾之遷都許昌。洛都遂廢。至魏文帝黃初元年。復營洛都。收拾殘破之餘。初居北宮。起

五

建始殿。以朝羣臣。明帝復於漢南宮故址。起太極昭陽諸殿。南北宮繚以宮城。闢華林園於廣莫門內。閭闔堂皇。於以復振。晉武帝享其成。迨永嘉之季。劉曜陷洛都。又成灰燼。

北魏孝文帝太和十七年。南遷都於洛。大營宮殿城池。漸復魏晉之舊。廣興佛事。僧寺千三百餘所。開歷史上創觀。伽藍記云。京師東西二十里。南北十五里。戶十萬六千餘。廟社宮室府曹以外。方三百步為一里。里開四門。置里正。合有二百二十里。亦可謂極一時之盛已。

按北魏洛都。仍漢魏舊城。伽藍記所謂東西二十里南北

十五里包城外舍市而言非城垣外拓也可詳證之一就白馬寺金墉城詳前可證西
外拓二水經注如蓋記均載穀水於建春門外石橋下入陽渠石檻銘云漢陽嘉
四年造云云可證東未外拓三如蓋記云宣陽門外四里洛水有浮橋名永橋宣陽門
即魏晉津陽門可證南未外拓四如蓋記云壽丘里在都城西南臨洛水北達邛山其
間東西二里南北十五里皇宗所居即此蓋可互
證所謂南北十五里者為里居之地非城垣也厥後爾朱氏之變焚劫凡數
次蕩毀幾盡迨至東西戰爭東魏敬帝天平二年遣高
隆之盡撤洛陽宮殿運其材入鄴東洛歷代之菁華於以銷
滅徒付之黍離麥秀之感而已

瀝澗流道之改徙與洛都局勢變遷有連帶關係考古
者不可不知也古時澗水經王城即河南城之西而南下入於洛瀝水源
於邛山南下經王城之東入於洛自周靈王壅穀水即澗水使東

出於王城之北則其勢必與瀝合流經王城之東以南注水經注云

河南城西北穀水之右有石磧磧南出為死迨東漢建都自河南城東北十

五里之千金竭引水復東出都城穀門北繞至上東門外前述建春

門石橋柱有陽嘉泐刻即在此合於陽渠陽渠由都城南引洛水達此也東流

經偃師縣南抵鞏縣入於洛以溉京師而疏漕運方貢委
輸之利莫大焉然自是瀝澗之故道胥廢曹魏沿其制稱五
龍渠晉稱九龍渠後魏更名九曲瀆直至隋移東都始廢
千金竭瀝澗復歸故道今洛陽縣城北邛山之麓猶隱隱
見澗水東下廢瀆之迹焉

洛都西徙於瀍水以西始之隋煬帝按括地志云自周敬王
漢光武魏文帝晉武帝皆都故洛城至是自故洛城西移
十八里置都城唐李庚東都賦云始乎周卜今自隋革進
十六里作唐東宅宋劉義慶大業雜記云大業元年勅有
司於洛陽故王城東營建東京大業五年改稱東都城周廻七十三里一百五十
步西距王城東越瀍澗南跨洛川北踰穀水洛水貫城中以
象河漢跨洛建天津橋但城僅築短垣唐重修始完整
城門凡十南面三門中曰建國門前直伊闕唐改曰定鼎門
東長夏西厚載東面三門中曰建陽唐改建春南永通

七

北上春唐改上東西面二門南麗景北宣曜北面二門東延喜
西徽安內城偏都城西北隅周十八里二百五十八步宮城周九里
三百步宮殿之美備駕漢魏而上之詳見大業雜記隋煬帝更
引汴入淮疏邳溝達江作通濟渠以通東南引濟入漳
合衛達海作永濟渠以通東北運輸暢利控及渤海長
江縮穀中原之局勢以成都洛而能善用地形者前古
未有也

唐初雖經李密王世充等之戰殘毀未甚太宗詔建東
都貞觀六年治洛陽宮高宗復經營之大抵因隋之舊

更新名號作陪都耳。武后時使李德昭重修外城周五十

二里九十六步號為金城。

方輿紀要引劉昫云都城南北十五里二百八十五步東西十五里七十步周迴六十九里三百二十步

里數宮殿臺觀踵事增華遠軼於隋。

詳見唐六典

武后駐此於以

館夷賓策貢士大有遷都之意。洎安祿山亂作田承嗣等

陷東都兵燹殘破故天寶以後車駕不復東巡。郭子儀

諫徙都洛陽疏云洛陽自大盜以來焚毀畧盡百曹榛荒寰

服不滿千戶井邑如墟豺狼羣噪千里蕭條亭舍不烟。

其景况可想已。

五代紛紜朝汴暮洛東西京之名靡常。朱溫篡唐改汴州

為東都開封府。至開化三年即遷洛陽溫之被弑袁象

先之誅朱友珪皆在洛也。至均王乃都汴以洛為西都。李

存勗滅梁都洛復稱為東都。終唐之世未徙。石敬瑭

天福二年從桑維翰之請遷汴復以汴為東都洛為西

都。自是以迄漢周遂永都汴京矣。計都洛陽者梁五年

唐十三年晉一年耳。

宋都汴洛陽仍西京之名。宋太祖有幸西京詔建隆三年命畫

洛陽宮殿案圖以修汴京。隋唐故宮猶有存遺故以為遊幸

駐蹕之地。富弼以中書判河南府文彥博以司徒判河南

府尚寓重視故都之意焉。然輦轂已去，日就凋零，觀邵雍洛陽懷古賦云：「宮殿森列，鞠而為茂草；園囿基布，荒而為平野。鑾輿曾不到者三十餘年，使人悵然歎曰：『虛有都之名也。』」蓋已不勝故宮禾黍之慨矣。

洛陽城闕宮殿之殘毀，其在靖康以後，遼金元之南侵乎？金宣宗真祐中，徙都汴，以洛陽為中京，改為金昌府。洛京之稱，此為最後之一見。或云：宋初曾毀洛宮，徙以築汴，顧祖禹云：「女真蒙古再經兵燹，故宮遂鞠為茂草，自是千餘年之建築，掃地以盡。」

九

今之洛陽縣城，周八里三百四十五步，高四丈，門四：東曰建春，南曰長夏，西曰麗景，北曰安喜。洪武元年所建也。因金元舊址，築以磚垣。成化、萬曆、順治、康熙、乾隆、咸豐、遞事脩葺，以至於今。考城址始於宋仁宗景祐元年，王增判河南府事，改築洛城，視隋唐之舊，減五之四，約當故城之東南一隅耳。

瀍水經縣城東門外，跨瀍有建春橋。唐建上陽宮於宮城西南隅，南臨洛水，西距穀水，東接宮城，北連禁苑，殿門悉東向，一名西宮。高宗麟德二年建今陸軍第三師所駐地，俗尚以西

宮稱之是其故地也。我國人素乏保存故蹟之思想，君主且一意剷除，故都要塞，恐予肇事者以憑依。昔時戰爭之蹂躪，更罔所顧惜，遂致歷史上之陳蹟，百無一二留遺，豈僅一洛都也哉。東洛久堙，西洛隋唐之建築亦毀滅淨盡，復因交通阻塞，元明以降，距京師尤偏遠，文物消沉，日即於退化。俯仰今昔，不禁慨然。按地理公例，交通可以轉移形勢，啟發人文，然則隴海鐵路，其改造洛陽之一端歟。

古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室